



**TOM NEWBY SCHOOL
TOETS**




Vak	Afrikaans	Eksaminatrise	Mev. J. Dorrington
Datum	Junie 2022	Totale punte	50
Graad	6	Tydsduur	2 ure
		Moderatrise	Mev. M Steyn
Spesiale Instruksies	Geen woordeboeke. Antwoord op die vraestel.		

This Exam has been compiled using notes and information contained in the Tom Newby School book. The marking memorandum has been compiled accordingly. While alternative responses will be given due acknowledgement, the official memorandum will be considered a priority document to ensure uniformity of marking.

Naam:	Van:	Klas:
-------	------	-------

Hierdie vraestel bestaan uit:

- Vraag 1: Literêre / nie-literêre teks (20)
 Vraag 2: Visuele teks (10)
 Vraag 3: Opsomming (5)
 Vraag 4: Taal in konteks (15)



Vraag 1: Begripstoets

Haas red sy baas!

Almal het gedink Downy die driejarige haas was maar net nog 'n oulike, wollerige hasie met 'n pienk neusie. Die inwoners van die woonstelgebou in Wisbech, Engeland, waar Downy gebly het saam met Babara, was maar net te bly hy was 'n tjoepstil konyn en nie 'n raserige hond of papegaai wat aanhoudend blaf of fluit nie.

Die dankbare bure het gereeld vir hom oorskiet slaai of koolblare gebring. Hulle het dan ook vir Downy wat so stil was gespot en baie grappies gemaak oor die Paashaas. Hulle het vir Babara – sy eienares, gevra waar Downy die Paaseiers wegsteek. Nie een van die bure sou ooit kon raai dat Downy eendag hulle lewe sou red nie, maar dit is presies wat Downy gedoen het.

Een nag toe 'n brand uitbreek in die gebou, het Downy se sensitiewe neusie eerste die rook en vlamme geruik. Hy het blitsvinnig na Babara se kamer gehardloop en op sy agterpote teen haar bedkassie gaan staan. Hy het toe teen die Kassie aanhou krap en skop tot sy wakker geword het. Barbara het vir Downy gegryp en alarm gemaak om almal te waarsku. Gelukkig kon al die inwoners betyds uit die brandende gebou vlug.

Niemand kon glo dat 'n konyn hulle lewe gered het nie... en niemand het ooit weer grappies oor die Paashaas gemaak nie.

Geskryf deur Wendy Maartens

Woorde 198

Vrae:

Nadat jy die berig sorgvuldig deurgelees het, beantwoord die volgende vrae in volledige sinne. Onthou geen Engels nie.

- 1.1 Wat is die haas se naam? _____ (1)
- 1.2 Waar het die storie plaasgevind? _____ (1)
- 1.3 Hoekom dink jy, was die mense bly dat Downy net 'n haas was? _____ (1)
- 1.4 Vind die woord in **paragraaf 2** wat vir ons sê hoe die bure gevoel het oor die feit dat Downy stil was.
Skryf die woord neer. _____ (1)
- 1.5 Onderstreep die regte antwoord in die volgende sin. (1)
Downy was 'n (oulike, wollerige / vriendelike, wollerige) hasie.
- 1.6 Hoekom dink jy het Downy teen Barbara se kassie geskop en krap terwyl sy geslaap het? _____ (1)
- 1.7 **Voltooi** die sin deur die regte **antwoord te omkring**. (1)

Die gebeure het plaasgevind in...

- a. in die oggend
- b. in die middag
- c. oor Paasnaweek
- d. in die aand

- 1.8 Vul die tabel in deur een verskil te noem, wat in die storie gegee word, tussen Downy en 'n hond. (1)

Downy	'n Hond

- 1.9 Lees weer die storie kyk na die volgorde van gebeure. Pas Kolom B by Kolom A en skryf die antwoord in letters neer in Kolom C. (1)

Kolom A	Kolom B	Kolom C
1.9.1 eerste gebeur	A. Downy maak Barbara wakker	1.9.1
1.9.2 tweede gebeur	B. Barbara bel die brandweer.	1.9.2
1.9.3 laaste gebeur	C. Downy ruik rook	1.9.3
	D. Downy red al die mense	

- 1.10 Voltooi die sin deur die regte antwoord in te vul. (1)

Die bure het downy gespot, hulle het hom die _____ genoem.

- 1.11 Wat dink jy bedoel "oorskiet slaai of koolblare"?

_____ (1)

- 1.12 Wat dink jy sou die gevolge wees as Downy nie wakker geword het nie?
(Skryf jou antwoord neer in 'n sin.)

_____ (1)

- 1.13 Hoe dink het die mense gevoel wat altyd vir Downy geterg het nadat hy hulle gered het? Verduidelik jou antwoord.

_____ (1)

- 1.14 Hoe het Downy geweet die woonstelgebou is aan die brand?

_____ (1)

- 1.15 Dink jy die titel van die storie is gepas? Gee 'n rede vir jou antwoord.

_____ (1)

- 1.16 Dink jy die mense gaan nog vir Downy spot, nadat hy hulle gered het? Verduidelik jou antwoord.

_____ (1)

- 1.17 Het jy van die storie gehou? Gee 'n rede vir jou antwoord.

_____ (1)

1.18 Die bure het altyd grappies gemaak en Downy gespot. Dink jy dit is reg om iemand te spot? Verduidelik jou antwoord.

_____ (1)

1.19 Wat sal jy doen as jy agterkom jou huis is aan die brand?

_____ (1)

1.20 Dink jy dit kan 'n ware storie wees? Gee 'n rede vir jou antwoord.

_____ (1)

Totaal vraag 1: 20

Vraag 2: Visuele teks

Kyk na die volgende plakkaat op bladsy 5 en beantwoord dan die vrae:

2.1 Wat is die belangrikste boodskap wat die plakkaat aandui?

_____ (1)

2.2 Hoe kan kleur en woorde gebruik word om 'n boodskap te gee?

2.2.1 **Kleur:** _____ (1)

2.2.2 **Woorde:** _____ (1)

2.3 Die woord vuur is groter as die ander letters geskryf. Hoekom is dit so geskryf?

_____ (1)

2.4 Die woord "**KAN**" word ook vir die leser beklemtoon. Noem een van die twee maniere hoe dit op die plakkaat gedoen word.

_____ (1)

2.5 Hoekom dink jy word die woord "**KAN**" beklemtoon?

_____ (1)

2.6 Lees nou die sewe instruksies.

2.6.1 Wat moet jy doen volgens die eerste instruksie?

_____ (1)

2.6.2 Waarom is **LOOP** in hoofletters?

_____ (1)


2.6.3 Wanneer kan jy na die klas toe terug gaan?

_____ (1)

2.7 As ons die plakkaat by die skool moet opsit, dink jy dit sal aandag trek? Gee 'n rede vir jou antwoord.

(1)

Totaal vraag 2: 10



VUUR
KAN
DOODMAAK

Jy KAN dit keer!!!

1. Bly kalm!
2. Beweeg dadelik na buite.
3. **LOOP** in rye na die sportveld.
4. **Moenie hardloop nie!**
5. **Sit** in rye op die veld.
6. As iemand seergekry het, vertel.
7. **Bly daar** tot dit veilig is.

Vraag 4: <u>Taal in konteks</u>

Gebruik die leesstuk: Haas red sy baas! om die vrae te beantwoord.

4.1 Onderstreep die **werkwoord** in die volgende sin.

Die bure het gereeld vir hom oorskiet slaai of koolblare gebring. (1)

4.2 Die **rangtelwoord** in die volgende sin is ____ ? **Omkring** die regte antwoord.

Downy se sensitiewe neusie het eerste die rook en vlamme geruik.

- a. sensitiewe
- b. vlamme
- c. eerste
- d. geruik

(1)

4.3 Geen 'n **antoniem** vir dankbare: _____ (1)

4.4 Gee 'n **sinoniem** vir gou: _____ (1)

4.5 Voltooi die tabel. (2)

Woord	Meervoud	Verkleining
haas	4.5.1	4.5.2

4.6 Skryf die volgende sin in die **verlede tyd** begin jou sin met die woord in hakies.

Downy hardloop vinnig kamer toe. (Laas week)

_____ (1)

4.7 Skryf die volgende sin oor in die **toekomstige tyd** begin jou sin met die woord in hakies.

Die joernalis skryf 'n berig oor Downy. (Môre)

_____ (1)

4.8 Vul in 'n korrekte **lidwoord** in die volgende sin.

_____ bure het opgehou om vir Downy te spot. (1)

4.9 Sê watter **tipe sin** die volgende sin is. Onderstreep die regte antwoord tussen hakies.

Is al die mense veilig? (vraagsin, stelsin, uitroepsin, bevelsin) (1)

- 4.10 Sê watter tipe **voornaamwoord** in die volgende sin gebruik is.
Gebruik die woorde in die blok om jou te help.

Persoonlike voornaamwoord, Aanwysende voornaamwoord,	Besitlike voornaamwoord, Onpersoonlike voornaamwoord
---	---

Downy het sy eienaar se lewe gered. _____ (1)

- 4.11 Skryf die volgende woord in **lettergrepe** en **sê of dit oop of geslote** is.

wollerige: _____ (1)

- 4.12 Gee die **intensiewe vorm** van **vinnig**: _____ (1)

- 4.13 Voltooi die **trappe van vergelyking** van: (1)

Stellende trap	Vergrotende trap	Oortreffende trap
oulik		oulikste

- 4.14 **Onderstreep** die korrekte antwoord in hakies.

Die woord **bure** is 'n voorbeeld van 'n (versamelnaam / ontelbare naamwoord). (1)

Totaal vraag 4:15

Graad 6 Afrikaans Addisioneel Junie Eksamen 2022
Prestasie evaluering
 (Vir onderwys gebruik alleenlik)

Naam en van: _____

Klas: 6 _____

Vraag 1:

Vraag no.:	1.1	1.2	1.3	1.4	1.5	1.6	1.7	1.8	1.9	1.10	1.11	1.12	1.13	1.14	1.15	1.16	1.17
Moontlike punt:	1	1	1	1	1	2	1	1	1	1	1	2	1	1	1	1	1
Leerder punt:																	

Vraag no	1.18	1.19	1.20
Montlike punt			
Leerder punt			

Vraag 2:

Vraag no.:	2.1	2.2	2.3	2.4	2.5	2.6	2.7
Moontlike punt:	2	2	1	2	1	1	1
Leerder punt:							

Vraag 3:

Vraag no.:	3.1
Moontlike punt:	5
Leerder punt:	

Vraag 4:

Vraag no.:	4.1	4.2	4.3	4.4	4.5	4.6	4.7	4.8	4.9	4.10	4.11	4.12	4.13	4.14
Moontlike punt:	1	1	1	1	2	1	1	1	1	1	1	1	1	1
Leerder punt:														